

疆

村

丛

书



龜溪二隱詞目錄

李彭老

木蘭花慢

高陽臺

一萼紅

探芳訊

踏莎行

四字令

壺中天

祝英臺近

章臺月

西日具

外傳代

壺中天

法曲獻仙音

高陽臺

祝英臺近

浪淘沙

生查子

木蘭花慢

清平樂

青玉案

浣溪沙

摸魚子

李萊老

惜紅衣

揚州慢

浪淘沙

高陽臺

清平樂

浪淘沙

小重山

點絳脣

天香

青玉案

謁金門

生查子

木蘭花慢


臺城路

杏花天

倦尋芳

西江月

清平樂



龜溪二隱詞

箕房李彭老商隱

木蘭花慢

正千門繫柳賜宮燭散青煙看秀鬢芳脣塗妝暈色試
盡春妍田田滿階榆莢弄輕陰淺冷似秋天隨處餳香
杏暖燕飛斜鞦韆朱絃幾換華年扶淺醉落花前
記舊時遊冶鐙樓倚扇水院移船吟邊夢雲飛遠有題
紅都在薛濤牋聽絕殘簫倦笛夜堂明月窺簾
壺中天

登寄閒吟臺

素飆蕩碧喜雲飛寥廓清透涼宇倦鵲驚翻臺榭迴葉

葉秋聲歸樹珠斗斜河冰輪輾霧萬里青冥路香深屏
翠桂邊滿袖風露煙外冷逼玻璃漁郎歌渺擊空明
歸去怨鶴知更蓮漏悄竹裏篩金簾戶短髮吹寒閒情
吟遠弄影花前舞明年今夜玉樽知醉何處
高陽臺

落梅

飄粉杯寬盛香袖小青青半掩苔痕竹裏遮寒誰念滅
盡芳雲么鳳叫晚吹晴雪料水空煙冷西冷感彫零殘
纓遺鈿池邈成塵東園曾趁花前約記按箏籌酒戲
挽飛瓊環佩無聲草暗臺榭春深欲倩怨笛傳清譜怕
斷霞難返吟魂轉消凝點點隨波望極江亭

法曲獻仙音

官圃賦梅繼草窗韻

雲木槎枒水蕙搖落瘦影半臨清淺翠羽迷空粉容羞
曉年華柱絃頻換甚何遜風流在相逢共寒晚總依
黯念當時看花遊冶曾錦纜移舟寶箏隨輦池苑鎖荒
涼嗟事逐鴻飛天遠香徑無人甚蒼蘚黃塵自滿聽鴉
啼春寂暗雨蕭蕭吹怨

一萼紅

寄弁陽翁

過薔薇正風暄雲淡春去未多時古岸停橈單衣試酒
滿眼芳草斜暉故人老經年賦別燈暈裏相對夜何其

汎剡清愁買花芳事一卷新詩
流水孤帆漸遠想家
山猿鶴喜見重歸北阜尋幽青津問釣多情楊柳依依
最難忘吟邊舊雨數菖蒲花老是來期幾夕相思夢蝶
飛繞蘋溪

高陽臺

寄題菴壁山房

石筍埋雲風篁嘯晚翠微高處幽居縹簡雲籤人閒一
點塵無綠深門戶啼鶻外看堆牀寶晉圖書儘蕭閒浴
硯臨池滴露研朱舊時曾寫桃花扇弄霏香秀筆春
滿西湖松菊依然柴桑自愛吾廬冰絃玉柱風流在更
秋蘭香染衣裾照窗明小字珠璣重見歐虞

探芳訊

湖上春遊繼草窗韻

對芳晝甚怕冷添衣傷春疏酒正緋桃如火相看自依
舊閒簾深掩梨花雨誰問東陽瘦幾多時漲綠鶯枝墮
紅鴛聲隄上寶鞍驟記草色薰晴波光搖岫蘇小門
前題字尙存否繁華短夢隨流水空有詩千首更休言
張緒風流似柳

祝英臺近

杏花初梅花過時節又春半簾影飛梭輕陰小庭院舊
時月底鞦韆吟香醉玉曾細聽歌珠一串忍重見描
金小字題情生綃合歡扇老了劉郎天遠玉簫伴幾番

鶯外斜陽闌干倚徧恨楊柳遮愁不斷
踏莎行

題草窗十擬後

紫曲迷香綠窗夢月芳心如對春風說蠻牋象管寫新
聲幾番曾試瓊壺缺 庾信書愁江淹賦別桃花紅雨
梨花雪周郎先自足風流何須更擬秦簫咽
浪淘沙

潑火雨初晴草色青青傍檐垂柳賣春餽畫舫載花花
解語綰燕吟鶯 簫鼓入西泠一片輕陰鈿車羅蓋競
歸城別有水窗人喚酒弦月初生
四字令

蘭湯晚涼鸞釵半妝紅巾膩雪初香擘蓮房賭雙羅
紈素璫冰壺露牀月移花影西廂數流螢過牆

生查子

羅襦隱繡茸玉合消紅豆深院落梅鈿寒峭收鐙後
心事卜金錢月上鵝黃柳拜了夜香休翠被聽春漏

壺中天

水西雲北記前回同載高陽伴侶一色荷花香十里偷
把秋期頻數脆管排雲輕撓噴雪不信催詩雨碧筒呼
酒秀牋題徧新句誰念病損文園歲華搖落事與孤
鴻去露井邀涼吹短髮夢入蘋洲菱浦暗草飛螢喬枝
翻鵲看月中住一聲清唱醉鄉知有仙路

木蘭花慢

送客

折秦淮露柳帶明月倚歸船看佩玉紉蘭囊詩貯錦江
滿吳天吟邊喚回夢蝶想故山薇長已多年草得梅花
賦了權歌遠和離舫風絃盡入吟篇傷倦客對秋蓮
過舊經行處漁鄉水驛一路聞蟬留連漫聽燕語便江
湖夜語隔鐙前潮返潯陽暗水鴈來好寄瑤牋
祝英臺近
載輕寒低鳴鶻十里杏花雨露草迷煙縈綠過前浦青
青陌上垂楊縮絲搖佩漸遮斷舊曾吟處聽鶯語吹
笙人遠天長誰翻水西譜淺黛凝愁遠岫帶眉嫵畫闌

閒倚多時不成春醉趁幾點白鷗歸去

清平樂

合歡扇子撲蝶花陰裏半醉海棠扶不起
淡日鞦韆閒倚寶箏彈向誰聽
一春能幾番晴帳底柳絲吹滿不
教好夢分明

章臺月

露輕風細中庭夜色涼如水荷香柳影成秋意
螢冷無光涼入樹聲碎玉簫金縷西樓醉
長吟短舞花陰地素娥應笑人憔悴
漏歇簾空低照半牀睡

青玉案

楚峰十二陽臺路算只有飛紅去玉合香囊曾暗度榴

裙翻酒杏簾吹粉不識愁來處
燕忙鶯嬾青春暮蕙

帶空留斷腸句草色天涯情幾許
茶蘼開盡舊家池館

門掩風和雨

浣溪沙

題草窗詞

玉雪庭心夜色空移花小檻鬪春紅
輕衫短帽醉歌重

彩扇舊題煙雨外玉簫新譜燕鶯中
闌干到處是春

風

天香

宛委山房擬賦龍涎香

擣麝成塵薰薇注露風酣百和花氣品
重雲頭葉翻蕉

樣共說內家新製波浮海沫誰喚覺鮫人春睡清潤俱
饒片腦芬醅半是沈水相逢酒邊花外火初溫翠鑪
煙細不似寶珠金縷領巾紅墜荀令如今憔悴消未盡
當時愛香意燼暖鎧寒秋聲素被

摸魚子

紫雲山房擬賦蓴

過垂虹四橋飛雨沙痕初漲春水腥波十里吳歛遠綠
蔓半縈船尾連復碎愛滑捲青綃香嫋冰絲細山人雋
味笑杜老無情香羹碧澗空只賦芹美歸期早誰似
季鷹高致鱸魚相伴菰米紅塵如海巨園夢一葉又秋
風起湘湖外看采擷芳條際曉隨魚市舊遊漫記但望

裏江南秦鬢賀鏡渺渺隔煙翠

秋崖李萊老周隱

惜紅衣

寄弁陽翁

笛送西冷帆過杜曲畫陰芳綠門巷清風還尋故人屋
蒼華髮冷笑瘦影相看如竹幽谷煙樹晚鶯訴經年愁
獨殘陽古木書畫歸船愵愵又南北蘋洲鷺鷥素熟
舊盟續甚日浩歌招隱聽雨弁陽同宿料重來時候香
蕩幾灣紅玉

青玉案

題草窗詞卷

吟情老盡江南句幾千萬垂絲縷花冷絮飛寒食路漁
煙鷗雨燕昏鶯曉總入昭華譜紅衣妝靚涼生渚環
碧斜陽舊時樹拈葉分題觴詠處荀香猶在庾愁何許
雲冷西湖賦

揚州慢

瓊花次韻

玉倚風輕粉凝冰薄土花祠冷無人聽吹簫月底傳暮
草金城笑紅紫紛紛成雨遡空如蝶恐墮珠塵歎而今
杜郎還見應賦悲春佩環何許縱無情鶯燕猶驚悵
朱檻香消綠屏夢渺腸斷瑤瓊九曲迷樓依舊沈沈夜
想覓行雲但荒煙幽翠東風吹作秋聲

謁金門

春意態閒卻遠山橫黛香徑莓苔嗟粉壞鳳靴雙鬪綵
折得花枝嬾戴猶戀鴛鴦飛蓋舊恨新愁都只在東
風吹柳帶

浪淘沙

榆火換新煙翠柳朱檐東風吹得落花顛簾影翠梭懸
繡帶人倚鞦韆猶憶十年前西子湖邊斜陽吹入畫
樓船歸醉夜堂歌舞月拚卻春眠

生查子

妾情歌柳枝郎意憐桃葉羅帶綰同心誰信愁千結
樓上數殘更馬上看新月繡被怨春寒怕學鴛鴦疊

高陽臺

落梅

門掩香殘屏搖夢冷珠鈿糝綴芳塵臨水攀花流來疑
是行雲蘚梢空挂淒涼月想鶴歸猶怨黃昏黯消疑人
老天涯鴈影沈沈斷腸不在聽橫笛在江皋解佩翳
玉飛瓊煙溼荒村背春無限愁深迎風點點飄寒粉悵
秋娘滿袖啼痕更關情青子懸枝綠樹成陰

木蘭花慢

寄題蓀壁山房

向煙霞堆裏著吟屋最高層望海口翻紅林霏散白猿
鳥幽深雙岑倚天翠溼看浮雲收盡雨還晴曉色干松

逗冷照人眼底長青
閒情玉麈風生摹繭字校鵝經
愛靜翻湘帙芸臺
几荷製蘭纓分明晉人舊隱掩巖
扉月午籟沈沈三十六梯樹杪
遡空遙想登臨

清平樂

綠窗初曉枕上聞啼鳥
不恨王孫歸不早只恨天涯芳
草錦書紅淚千行一春無限思量
折得垂楊寄與絲絲都是愁腸

臺城路

寄弁陽翁

半空河影流雲碎
亭皋嫩涼收雨井
葉還驚江蓮亂落
弦月初生商素堂深幾許
漸爽入雲幃翠綃千縷
紈扇

恩疏晚螢光冷照窗戶
文園憔悴頓老又西風暗換
絲鬢無數鏡外殘砧琴邊瘦枕一一情傷遲暮故人倦
旅料渭水長安感時吟苦正自多愁砌蛩終夜語

浪淘沙

寶押繡簾斜鶯燕誰家銀箏初試合琵琶柳色春羅裁
袖小雙戴桃花芳草滿天涯流水韶華晚風楊柳綠
交加閒倚闌干無藉在數盡歸鴉

杏花天

年時中酒風流病正雨暗蘼蕪深徑人家寒食煙初禁
狼藉梨花雪影西湖夢紅沈翠冷記舞板歌裙厮趁
斜陽苦與黃昏近生怕畫船歸盡

小重山

畫檐簪柳碧如城。一簾風雨裏。近清明。吹簫門巷冷無聲。梨花月今夜負中庭。遠岫斂脩顰。春愁吟入譜。付鶯鶯。紅塵沒馬。翠埋輪。西泠曲。歡夢絮飄零。

倦尋芳

繚牆黏蘚糝。徑飛梅春緒。無賴繡壓垂簾。骨有許多寒。在寶幄。香消龍麝餅。鈿車塵冷。鴛鴦帶。想西園被一程風雨。羣芳都礙。逗曉色鶯啼人起。倦倚銀屏。愁沁眉黛。待拚千金。卻恨好晴難買。翠苑歡遊。孤解佩。青門佳約。妨挑菜。柳初黃。罩池塘。萬絲愁靄。

點絳脣

綠染春波袖羅金縷雙鷓鴣小桃勻碧香襯蟬雲溼
舞帶歌鈿閒傍鞦韆立情何極燕鶯塵迹芳草斜陽笛
西江月

海棠

綠染曉雲冉冉紅酣晴霧冥冥銀簪懸燭錦官城困倚
牆頭半影雨後徧饒豔冶燕來同作清明更深猶喚
玉靴笙不管西池露冷

清平樂

題草窗詞

日寒風細庭館浮花氣白髮潘郎吟欲醉綠暗蘼蕪干
里西園南浦東城一春多少閒情日暮采蘋歌遠夢

回喚得愁生

日夕... 愁生... 喚得... 愁生...

...

...

...

...

...

...

...

...

...

...

在軒詞目錄

瀟湘神十

滿江紅

念奴嬌

望江南十

花犯

喜遷鶯

漢宮春

鶯啼序

明月棹孤舟

踏莎行

益津
請
自
餘

衛
所
派

念
及
敵

亦
亦

萬
國
奇

聖
天
地

琳
球

望
南

喜
慶

萬
國

聖
天
地

在軒詞

邵武 黃公紹 直翁

瀟湘神

端午競渡棹歌

望湖天望湖天綠楊深處鼓鼙鼙好是年年三三月湖
邊日日看划船

又

鬪輕橈鬪輕橈雪中花捲棹聲搖天與玻璃三萬頃儘
教看得幾吳舫

又

看龍舟看龍舟兩隄未鬪水悠悠一片笙歌催鬧晚忽
然鼓棹起中流

又

賀靈鼉賀靈鼉幾年翠舞與珠歌
看到日斜猶未足湧金門外湧金波

又

馬如龍馬如龍飛過蘇隄健鬪風
柳下繫船青作纜湖邊薦酒碧爲筒

又

繡周張繡周張樓臺簾幕絮高揚
誰賦珠宮并貝闕懷王去後去沈湘

又

棹如飛棹如飛水中萬鼓起潛螭
最是玉蓮堂上好躍

來奪錦看吳兒

蘇軾詞永遇樂千古東封

又

建雲旂建雲旂土風到處總相猶朝了霍山朝岳帝十

分打扮是杭州

闕景運天高雲燭不受珠璣

又

踏青青踏青青西泠橋畔草連汀撲得龍船兒一對畫

闌倚徧看游人

又

月明中月明中滿湖春水望難窮欲學楚歌歌不得一

場離恨兩眉峰

滿江紅花朝雨作

客子光陰又還是杏花阡陌敲枕聽一窗夜雨怎生禁
得銀蠟痕消珠鳳小翠衾香冷文鴛拆歎人生時序百
年心萍蹤迹聲不斷樓頭滴行不住街頭屐倩新來
雙燕探晴消息可煞東君多著意柳絲染出西湖色待
牡丹開處十分春催寒食

念奴嬌月

山圍寬碧月十分圓滿十分春暮正似湧金門外看添
得綠陰佳樹野闊星垂天高雲斂不受紅塵汚徘徊水
影閒中自有佳處乘興著我扁舟山陰夜色渺渺流
光溯望美人兮天一角我欲凌風飛去世事浮沈人生
圓缺得似煙波趣興懷赤壁大江千古東注

望江南雨

思晴好去上竹山窠自古常言光霽好如今卻恨雨聲
多奈此坐愁何

又

思晴好試卜那朝晴古木荒村雲淦淦孤燈敗壁夜冥
冥不寐聽檐聲

又

思晴好小駐豈無因花上半旬春社雨松閒三宿暮山
雲轉住是愁人

又

思晴好春透海棠枝刻惜許多過時了可憐生是我來

遲不見輓紅時

又

思晴好天運幾乘除祇爲晴多還又雨誰知雨過是晴
初那得綠陰乎

又

思晴好路滑少人行早信雨能留得住儘教盡日自舟
橫直等到清明

又

思晴好我欲問花神剛道社公瞋舊水一回舊也一回
新不是兩般春

又

思晴好松路翠光寒夜夜竹窠常夢到天天后土幾時
乾極目霧漫漫

又

思晴好日影漏些兒油菜花閒蝴蝶舞刺桐枝上鶉鳩
啼閒坐看春犁

又

思晴好晨起望籬東畢竟陰晴排日子大都行止聽天
公且住此山中

花犯木芙蓉

翠匳空紅鸞蘸影嫣然弄妝晚霧鬢低顫飛嫩藕仙裳
清思無限象牀試錦新翻樣金屏連繡展最好似阿環

嬌困雲酣春帳暖 尋思水邊賦娟娟新霜口舊約西
風庭院腸斷處秋江上彩雲輕散憑誰向一箏過雁細
說與眉心楊柳怨且趁此菊花天氣年年尋醉伴
喜遷鶯茶蘼

亂紅飛雨悵春心一似騰騰悶暑密縮柔情暗傳芳意
人在垂楊深宇曉雪一簾幽夢半點檀心知否春不管
想粉香凝淚翠顰含趣 誰念芳徑小新綠萋萋問訊
今何許玉令釵頭羅寬帶眼縹緲青鸞難遇望斷碧雲
深處倚徧畫闌將暮空惆悵更江頭桃葉溜橫波渡
漢宮春郡圃賞白蓮

身到瑤池正口水芙蓉跼素鸞飛綠雲淡籠波面鴛影

差差青冥世界向龍宮湧出江妃凝望久夜涼如水人
閒惆悵芳時池上方壺仙伯是珊珊月佩綽綽冰肌
重來碧環勝處笑引瓊卮誰歌白雪坐中客賽過玄暉
醉歸也玉繩低轉西風輕拂荷衣

鶯啼序吳江長橋

銀雲捲晴縹渺臥長龍一帶柳絲蘸幾簇柔煙兩市簾
棟如畫芳草岸彎環半玉鱗鱗曲港雙流會看碧天連
水翻成箭樣風快白露橫江一葦萬頃問靈槎何在
空翠溼衣不勝寒日華金掌沆瀣蝨花平綠文襯步瓊
田湧出神仙界黛眉脩依約霧鬢在秋波外閣噓青
層樓啄彩虹飛蓋蹴鼈背燈火暮相輪倒影偷睇別浦

片片歸帆遠自天際舞蛟幽壑棲鴉古木有人翦取松
江水憶細鱗巨口魚堪鱸波涵笠澤時見靜影浮光霏
陰萬貌千態 蒹葭深處應有閒鷗寄語休見怪倩洗
卻香紅塵面買箇扁舟身世飄萍名利微芥闌干拍徧
除東曹掾與天隨子是我輩儘胸中著得乾坤大亭前
無限驚濤總把遙吟月明滿載

明月棹孤舟木樨

雁帶愁來寒事早西風把鬢華吹老猛省中秋都來幾
日先自木樨開了 淄淄輕陰天弄曉平白地被花相
惱一枕雲閒半窗秋曉時有陣香吹到
踏莎行詞前

蟾苑蕭疏雲巖芳馥仙娥寄種來溪曲曉煙薰上古龍
涎西風展破黃金粟 庾嶺未梅陶園休菊天教占取
清香獨膽瓶枕畔兩三枝夢回疑在瑤臺宿

白雪遺音目錄

水龍吟 四

西江月 七

望海潮 六

沁園春 二

木蘭花慢 五

百字謠 四

慶春宮 一

水調歌頭 五

醉春風 二

惜餘春慢 二

歸朝歡

浣溪沙 二

蝶戀花

清平樂 十一

玉蝴蝶 二

滿江紅

憶秦娥

千秋歲

望遠行

踏莎行 三

一翦梅

西江月

鷓鴣天

...

...

...

...

...

...

...

...

...

...

...

...

...

...

...

...

白雲...

白雪遺音

三山 陳德武

水龍吟 西湖懷古

東南第一名州西湖自古多佳麗臨隄臺榭畫船樓閣
遊人歌吹十里荷花三秋桂子四山晴翠使百年南渡
一時豪傑都忘卻平生志 可惜天旋時異藉何人雪
當年恥登臨形勝感傷今古發揮英氣力士推山天吳
移水作農桑地借錢塘潮汐爲君洗盡岳將軍淚

又十月廿三日阻雨住長樂興寧驛館舍寂甚偶見窗

外小桃花數朶遂成此調以寓意焉

驛樓歲暮蕭條小桃何事迎人笑無言如訴命喚王母

信沈青鳥鬢瘦繁霜脂銷零雨夢寒清曉自劉郎去後
天台路隔知孤負春多少 今日玉驄來到喜相逢菱
花孤照清幽誰伴黃花告謝芙蓉云老早趁東風移根
換葉脫身池沼卜佳期前度琴心一曲作相思調

又次韻寄別葉尹

花驄柳外頻嘶使君底事拚人去圯橋風月睢陵桃李
幾回良遇我待君來他催君去誰留君住想尊空北海
詩成東閣這都是歡娛處 寶月纔圓又缺況人生會
難離易馭風無計縮地無術問天無語指海爲鑪覩山
爲炭盡燒愁緒把一心天地一家南北此身堪寄
又和雪後過瓜洲渡韻

問津楊子江頭滔滔潮汐東流去六朝文物千年陳迹
幾更烏兔天限東南水流今古地分吳楚喜壯遊千里
桑弧蓬矢功名事儒生語翹首石頭城北簇樓臺遠
連芳樹雪銷天氣澄江如練碧峰無數銀甕春回金山
鐘曉夢閒鷗鷺早歸來盡日風平人靜孤舟橫渡

西江月漳州丹霞驛

山拱羅城四面柳營橫接江東十年前事影隨風今日
宛如春夢天下幾多郵驛人生到處飄蓬丹霞樓上
再相逢橫笛爲君三弄

又冬至

時序去如流矢人生迹似飛蓬石灣江上又逢冬日喜

一陽初動 但見堪輿杳杳更連山水重重淒涼雲物
雨濛濛惟足睡中歸夢

又題洞簫亭

鳳舞漢陽月麗龍吟漢水雲飛行雲何事駐天涯橫玉
危闌四倚 問岳陽三度後看塵世幾番棋鶴羣何處
未歸來冷落吳頭楚尾

又詠雪

爲問雲閒滕六天工何事依違冬前三白不時爲今日
駕言春瑞 瘦損窮彭澤柳禁持殺傅巖梅仁風反掌
霽天威都做一江流水

又

壓雪江山亦老迎春草木俱新雪銷春去逐飛輪誰識
靜中機運濁濁壩頭泥土攘攘市上風塵爲何不住
往來人都被利名淘盡

又

有信江頭春色無憑天上浮雲白衣蒼狗又何頻豈是
隨風情性法受三千謫路翻成萬里思親瓜洲中道
不逢人誰寄江南春信

又春暮

時序去如流水功名冷似寒灰儘教江庾賦多才一刻
千金難買客裏月圓月缺尊前花落花開春來何處
帶愁來春去此愁何在

望海潮錢塘懷古

瓏山西拱浙江東逝誰餘一箭臨衝鳳舞龍飛地靈人傑當年樹此勳庸強弩萬夫雄令馮夷退舍海若潛鋒擁石城隄百川約束障西東至今人物蕃豐仰功揚山立德潤川容樂極西湖愁多南渡他都是夢魂空感古恨無窮歎表忠無觀古墓誰封棹檣錢塘濁醪和淚洒秋風

又拱日亭

天涯海角天高地厚長安舉首何方萬水朝宗眾星環極平生此志無忘亭上一翺翔見煙收霧斂鳳翥龍驤海色蒼淒金鳥拍翅上扶桑遙瞻咫尺清光物無遐

不燭有隱皆彰發
心勞之官路遠
篙師又促歸航
不敢久徜徉
抱梧桐綺實
葵藿心腸
假我雙翰
一朝飛上
五雲鄉

又清明詠懷

三分春色十分官事
令人孤負芳菲
歌燕啼鶯語花舞
柳園林好處
誰知還憶舊遊時
對海棠駐馬紅葉題詩
一別東君回頭又是隔年期
相思遠在天涯鎮海填
恨臆山鎖愁眉
杜宇能言鷓鴣有淚
慢勞蝴蝶于飛景
與少年宜把榆芬
新火香透羅衣
風月常存雙魚報道
早來歸

又

南冠一載西流萬里離懷孰不傷情富貴邯鄲雨雲巫
峽回頭一夢空驚誰辱又誰榮問當時道德今日功名
楚水吳山向來多少送和迎長安古道長亭歎馬蹄
不駐車轍難停微老首陽芝深商谷時遙霧擁雲平此
意已羞評但金緘白雪錦佩青萍采竹崑崙有時吹作
鳳凰鳴

又

祖觴東館移舟南渡江天雲樹離離盤谷漁樵舞雪風
詠渴心常望雲霓知與故人齊念翼殘猶鍛足蹶還羈
百折江流峽猿水鳥助孤悽幾回夢繞山西耐疏篷
夜雨驚枕晨雞對無聲詩哦有聲畫儀形已見端倪回

首暮雲迷又桐飛金井燕落烏衣有意相思雙雙乘羽
莫教遲

又和韻寄別葉睢寧

陵山載酒泗河揚柁尊前折盡將離纜試牛刀俄驚鳧
鳥令人去後多思休唱別離詞看玉函星鐵騎佩銅絲
丹鳳鳴陽碧梧棲爾最高枝等閒展對聲詞對一庭
明月千里邦畿西澗家聲玉堂人物夜窗夢果心期才
思浩無涯若深航濂洛峻駕峨眉胸抱相思銀箏錦字
莫教遲

沁園春舟中夜雨

冬夜如年客枕無眠怎到天明待數殘二十五寒更點

聽餘一百八曉鐘聲雨腳敲篷灘頭激纜總與離人訴
不平徧聞得我浚深恨海砌起愁城問君何事牽縈
想最苦人間是別情念千山萬水沈魚阻雁一身兩地
燭燕煎鶯繡枕痕多錦衾香冷有意巫山夢不成怎撇
下相思兩字萬里虛名

又送春

飛雨一番杜宇數聲東君又回對花垂粉淚舟移洛浦
柳眉顰黛馬走章臺南架海棠北窗紅葉都是當年手
自栽傷離別想今朝去也明日重來軒車且莫相催
待細把衷腸訴此懷這畫闌六曲懶和月倚朱簾十二
不與風開青杏園林朱櫻酪酒爭似和羹雪後梅那時

節好都將心事分付多才

木蘭花慢寄桂林通判葉夷仲

自淮陽別後一回首又窮年歎蓬逐旋
飄葉隨流水星散維垣南來忽聞歸興
豈蒼天故意要儲賢雲慢凌司馬賦風
偏動季鷹船梅窗夜月見修妍駿轡憶
錢連命畫漿溪流籃輿山郭囊錦詩篇
休辭歲寒遠道對松篁莫慰寂寥邊塵
榻誰爲我下酒杯惟待君傳

又再疊前韻

對江雲日暮又那更夜如年見霜滿晴
空山銜星斗月掛城垣知心故人閒阻
幾何時尊酒會多賢冷落巴山夜雨淒
涼冽水寒船孱容羞覩鏡中妍遠水與
天連

怪夢有餘甜酒無好味詩不成篇刀圭解生毛羽向晨
風飛傍彩雲邊報道東君到也一枝春信先傳

又三疊前韻

一春看又盡問何日是歸年望五嶺重關九嶷疊翠滿
目藩垣蒼梧幾時檣棹許論文高議仰英賢夜立殘花
影月朝盼盡柳陰船天台山水世閒妍天姥赤城連
好收拾蘭莊白雲深處詠卜居篇重尋舊遊鶯燕恐無
心待雁夕陽邊聲迹今猶密邇驚牋莫厭頻傳
又思情

自束君別後對花柳愈無聊但旅寓年年夢添夜夜飯
減朝朝應憐此情恰似梅天風雨正瀟瀟箇玉有誰

暖眼帶圍漫自鬆腰
深沈庭院好香燒水遠玉人遙
念信阻鸞牋調空綠綺字滿鮫銷東君也知人意幾黃
昏天際送蘭橈錦荔堂前載酒梧桐月下吹簫
又春遊

值昇平海宇又春色與俱還向楊柳樓臺海棠庭院紅
藥闌干可人好風良月都□□收拾錦囊閒心事已超
塵外天公分付人間世途陸海擁波瀾回首夢中看
想酒醒羅浮雲空巫峽飯熟邯鄲從茲破琴煮鶴□猗
蘭不用對人彈粗足少游衣食何妨司馬江山
百字謠詠惜花春起早
惜花心事不由人蝴蝶夢魂先覺剛納繡鞵行掠鬢仰

見斗橫林杪昨日深紅今朝輕白顏色殊昏曉此中滋味料他塵世知少問二十四番風寒梅并絳口始終俱好須看未開開又謝多少落英顛倒綵綴隋園鹿遊唐苑哀樂無憑禱此音誰寄凭闌猶把琴抱

又詠愛月夜眠遲

古今明月魄生明後積漸圓還缺秋解傷神春最好衾枕幾番鋪設十二瑤臺千金一刻橫竹休吹徹繡簾高揭戒他莫把燈熬夜久誰共嬋娟掩孤幃睡去此情尤切夢駕彩鸞何處覓飛上玉樓瓊闕舞按霓裳歌揚紅豆高處風光別鳥聲驚覺衝冠怒豎吾髮

又詠掬水月在手

晚臨湘浦憶鮫人
曾許淚珠綃帕盟
掬空明和月待宮
鎖水晶深夜躍璧初圓
浮金不定敵眼寒光射水心
龍鏡喜來翻不成把
最恨對面姮娥舞霓裳掌上

又詠弄花香滿衣

靈臺移其金... 絲... 采... 思... 年... 艾... 階... 出... 臺...
... 人... 寒... 餘... 夢... 問... 三... 軍... 峇... 裏... 謝... 劍... 下... 里... 縣... 關... 一...
... 四... 箭... 傳... 香... 可... 上... 平... 樂... 罪... 刻... 口... 誰... 決... 須... 事... 必... 宜... 爲... 寶...
... 風... 意... 尚... 冬... 雪... 當... 數... 亂... 天... 湘... 人... 唐... 林... 湘... 草... 非... 也... 豈... 本... 東... 園...
... 香... 國... 立... 春...

慶春宮立春

風送深冬雪消殘臘天時人事相催堂北迎萱水東問
柳阿誰報道春回土牛裝罷候口琯先飛律灰宜春寶
字是處人家羅綺筵開三年客裏情懷千里親闈一
寸靈臺綵燕金釵青絲生菜還思纖手安排韶光也是
可人的如今再來介他眉壽但願年年春酒盈杯
水調歌頭題楊妃夜宴醉歸圖上口秦虢二夫人貴妃

抱嬰於馬上

日色隱花萼清夜宴華清梁州新曲初就錦瑟按銀箏
中坐太真妃子列坐親封秦虢歡笑盡傾城百斛金尊
倒一醉玉山傾人扶上馬東小玉右雙成絳紗籠燭高

照宮漏已三更抱得祿兒歸去酒醒三郎何處忽聽鼓
輦驚可惜馬嵬恨不得寄丹青

又詠惜花春起早

則入水晶宮

好是三春景都在百花軒美人眠不成夢早已繡簾掀
分付海棠睡足檢點牡丹開未桃李寂無言葉露聯珠
絡枝月墜金盆樹鈴索高障檻補籬藩丁窻鶯燕蜂
蝶上下莫爭翻遙想韶光九十只恐花飛一片瘦減玉
顏温不憚銀瓶冷汲井沃芳根

又詠愛月夜眠遲

教翻銀蟾照

三五嫦娥月夜色正嬋娟自從竊藥歸去天上幾千年
試問廣寒高處爲甚缺多圓少此理孰爲權弦望知天

定離合可人憐 典宮錦歌水調載樓船謫仙居士何
在月色尙依然遙想人生百歲三萬六千良夜能得幾
時圓莫遣金盆落達曙照無眠

又詠掬水月在手

蓮襯凌波步筍浴影娥東晚妝脂粉猶膩雪潔弄春溶
恰似玉盤拈指莫是金環脫臂寶鏡逐華容好箇明珠
顆落在掌窩中 可人意拿不住握還空騎鯨便欲采
取恐觸臥驪龍奈玉纖春凍也那壁團圓何處有影卻
無蹤不上廣寒殿便入水晶宮

又詠弄花香滿衣

夢足芙蓉曙步入牡丹叢試將枝葉枚數寵紫與嬌紅

如訴如歌體態輕暖輕寒天氣春色把人烘百斛沈檀
味兩腋麝蘭風春衫透羅韞沁暗同中芳心能有多
少一點束千重只恐遊絲行露漫惹狂蜂輕蝶珍重惜
儀容蘭蕙修芳佩蘋藻薦公宮

醉春風

三月二十七日出禁謫家夏安置

推枕牀羞下臨鸞眉不畫妒深誰復白圭瑕怕怕飛
燕班姬昭君延壽孰知淫雅背倚茶蘼架淚滿鮫綃
帕白頭吟斷怨琵琶罷罷采柏賣珠牽蘿補屋順天
生化

又閨情

陌上輪蹄滿花閒蜂蝶亂畫簾低捲對南山□□□輕

暖輕寒乍晴乍雨風流雲散
羅袖傷春晚紈扇驚秋
換誰將白雪污青囊
懶懶金屋笙歌茅檐風月悲歡
相伴

惜餘春慢憶海棠

不語佳人多才名友天遣伴吾幽獨
令姿潘岳太素何郎爭似一叢紅玉
誰爲織雲錦裳天孫巧處暗空機軸
別離閒陡覺春風一度電光驚目
因念著舊日歡娛清平歌曲板按玉人
橫竹金盆月落銀燭紗籠一刻千金
難贖微醉欲醒未醒聲聲喚起睡
何時足待移根與賦歸來敢比淵明
松菊

又

闌葦疏蘆簾編小葦好箇清幽公館
栽槐夾道種菊盈軒景物便堪吟
玩門外一番雨餘嫩綠枝綠淺
口青眼悄無人一枕新涼睡覺
燕泥香暖鷦地裏對景傷懷
思量無限回首故園春遠松
期竹待壑誚林嘲苦被浮
名牽絆一種思情最長萬疊
江山怎生遮斷向北堂見
了忘憂萱草此心方滿

歸朝歡

送前王通判惟善赴召

昨夜城頭望牛斗金氣橫空作龍吼
朝天尺一鶴飛書尊前奪我龍頭友
風流江左後青氈舊物曾堅守
念僑居淮陽九載閒卻絲綸手
花驄欲繫無長柳玉筍頻揮
翻短袖鳳凰臺近月重圓
紫薇花暖香依舊功名隨

分有論交要在知心友唱陽關一杯別酒先禱斯文壽
浣溪沙春思

庭院深沈絕俗埃綠苔因雨上層階畫簾低捲燕歸來
月似有情中夜入花何無語向人閒漫勞飛夢到天

台

又

月落桐梢杜宇啼雲埋芳樹鷓鴣飛夜闌分作送春詩
山上安山經幾載口中添口又何時相思一曲訴伊

誰

蝶戀花送春

昨夜狂風今日雨風雨相催斷送春歸去萬計千方留

不住春歸畢竟歸何處
好鳥如歌花解舞花鳥無情
也訴離愁苦流水落紅芳草渡
明年好記歸時路

清平樂詠物十一首

月

蛾眉淡竚未約心先許
坐待不來來又去直到碧窗深
處雨雲偏妒妖嬈幾孤三五良宵
要見殘妝新畫多應暮暮朝朝

又星

天星自織經緯天南北
明月樓臺高百尺玉手昔曾親
摘種榆人去何年乘槎偶認張騫
報道秋期近也好將巧思相傳

又風

呼來吸去畢竟爲誰主
輒力漫扶花柳舞
禁不住顛狂處
等閒天易涼
炎每教人愛人嫌
最是相思病起呼
兒緊下珠簾

又雨

絲絲線線惹起雲根
燕萬里江山春欲徧
多在梨花庭院
經旬一見通宵恍如身
在藍橋記與巫山神女不
禁暮暮朝朝

又雲

隨風情性聚散元無定
雨過黃昏收拾盡
送出月明花影
誰言出岫無心騰騰飛上巫岑
夢斷不知何處玉
人鬢上斜簪

又蟬

嬌聲嬌語恰似深閨女三疊琴心音一縷趁在綠陰深處此音寧與人知此身不與人欺薄暮背將斜月噤聲飛上高枝

又蚊

三三兩兩夜夜教人想偷入霜綃斜隙帳直到珊瑚枕上玉人夢繞江南輸他一餉肥甘莫恨我心兒毒只因你口兒饒

又蝶

輕姿傅粉學得偷香俊百紫千紅人未問先與芳心折損一生天賦風流不知節去蜂愁堪笑莊周老子將

身夢裏追遊

又蛙

黃梅雨住青草池塘暮輕許天然樂兩部遙想周郎不

顧生憎利口喃喃憑誰井塞泥緘最是玉人枕上幾

回夢斷江南

又螢

星星散散繞地無人管一點寒光雖有爛飛不到河西

畔畫堂花暗銀缸井闌添箇雙雙欲照相思兩字藉

風扶過虛窗

又促織

啾啾唧唧夜夜鳴東壁如訴如歌如涕泣亂我離懷似

織畫堂簾幙沈深美人睡穩香衾懶婦知眠到曉爾
蟲在自勞心

玉蝴蝶雨中對紫薇

好是春光秋色天工巧處都上花枝更值雲情雨態淨
沐芳姿醉相扶霓裳舞困眼未得宮錦淋漓有誰知眼
空相對心繫相思相思鮫綃帕上珠懸紅淚水洗胭
脂寂寞闌干無言暗憶舊遊時五花驄載將郎去雙喜
鵲報道郎歸卜佳期夢回巫峽春在瑤池

又七夕

金井梧桐飛報秋期近也烏鵲成橋爲問雙星何事長
待今宵別今年新歡暫展更五鼓舊恨重搖黯魂銷兩

情脈脈一水迢迢寂寥寄言兒女縱能多巧笑暇相
調暗思離愁人聞天上古來饒但心堅天長地久何意
在雨暮雲朝寶香燒無緣駕海有分吹簫

滿江紅

記得年時離筵上把梅花折還經盡江南煙雨淮陽風
雪寒食清明都過了看看又到端陽節倚闌干屈指數
流光經年別心一寸腸千結千里夢三更月更曉來
寒透不堪愁絕羞見慈烏啼反哺厭聞乳燕調新舌覩
禽物愈覺倍傷情歸心切

憶秦娥

疏簾揭雲端仰見娟娟月娟娟月不應何恨照人離別

閉門獨睡空愁絕
姮娥夢裏低低說
低低說悲歡離
合陰晴圓缺

千秋歲

濯錦丰姿新涼臺閣
懊悔巫雲太輕薄
琵琶未訴衣衫

溼菱花不照胭脂
落鳳凰池鴛鴦殿
重重鑰春色畫

船何處泊秋色丹青
人難摸可惜風流
總閒卻此情不

與人知道知時只恐
人撓著碧窗前銀
燈下陪孤酌

望遠行

城頭初鼓天街上
漸漸行人聲悄
半窗風月一枕新涼

睡熟不知天曉
最是家山千里遠
勞歸夢待說離情難

覺覺來時檐外
數聲啼鳥誰道
爲甚新來消瘦底事

慊慊煩惱不是悲花非干病酒有箇離腸難掃悵望江
南天際白雲飛處念我高堂人老寸草心朝夕怎寬懷
抱

踏莎行中秋不見月

霧失南樓雲低東閣枝頭不見南飛鵲姮娥何事太多
情今宵故誤年時約天易陰晴人多哀樂從來此事
難憑度恁恁又是隔年期且燒銀燭酬高酌

又

聲迹隨風浪痕如霰藍橋路遠無由見黃昏腸斷倚闌
時看看數盡南飛雁日理絲機宵拈鍼線春秋不管
鴛和燕欲將心事訴佳期迴文直上金鑾殿

又

梅壓宮妝柳橫眉黛都將留得春光在弄琴臺上忽相逢吹箏月下曾相待
海
燕春歸江鴻秋邁到頭總是恩和愛佳期約在白雲閒一團和氣春如海

一翦梅九日

新酒初香菊半含月也三三日也三三登高已約上巖巖世事相擔風雨相擔
頭上茱萸顛倒簪身在河南心在江南淵明何日解征驂俯也何慚仰也何慚

鷓鴣天詠菊

三徑芳根自不羣每於霜後播清芬枝頭蛺蝶如羞見籬外征鴻不可聞
情脈脈思紛紛繞窗吟詠理餘黨

捲簾人在西風裏知是新來瘦幾分

西江月詠雪

疏散履穿東郭流離馬沒藍關瓜洲誰問臥袁安孤負
新年月半鐵甕成銀甕金山做玉山看無知兒女
不知寒冰筋掌中爭看

寧極齋樂府目錄

水龍吟

賀新郎

沁園春

齊天樂

西江月

虞美人

洞仙歌

諸外

四

辨

水

盛

與美人

齊天樂

賞

寧極齋樂府

吳郡陳深子微

水龍吟壽白蘭谷

此翁疑是香山老來愈覺才情富天孫借與金刀玉尺
裁雲縫霧一曲陽春樽前惟欠柳蠻櫻素對蒼松翠竹
江空歲晚伴明月傾芳醕深谷修蘭楚楚續離騷載
歌初度麻姑素約天寒相訪遺余瓊露擬借青鸞吹笙
碧落采芝玄圃柰玉堂催召文園醉叟草凌雲賦
賀新郎壽黃春谷時自南州過浙右相宅合卷有期適

逢壽日

丹鳳翔雲表覽德輝翩然飛下翠蓬仙島銀漢無聲天

似水昨夜新涼多少前夕聽一曲瓊簫音渺千尺秦臺

凌空峻見一雙翠羽先飛到披紫霧攬瑤草風流別

乘當英妙對江山掀髯把酒浩歌長嘯綠髮公侯何足

挽自是無雙才調況槐蔭青青天杪月殿姮娥雲深處

近清秋丹桂催開早斟綠醕戴花帽

沁園春次白蘭谷韻

浪迹煙霞有酒千鍾有書五車任從來蕭散閒心似水

何堪嫵媚笑面如花濯髮滄浪放歌江海肯被紅塵半

點遮誰知道抱無名鉅璞重價難賒嘻嗟大澤龍蛇

且蟠屈深潛得計些看淋漓醉墨神情自足摩挲雄劍

肝膽無邪渭水煙蓑營北繡衣出處何嘗有異耶今何

在但素蟾東出紅日西斜

齊天樂

八月十八日壽婦翁

號菊圃

秋濤玉漲西陵渡江亭曉來雄觀帝子吹笙洛妃起舞
應喜蓬宮仙誕斗墟東昨望縹緲星槎來從河漢明月
樓臺繡筵重啟曼桃讌莊樵一樹翠色五枝芳桂長
金蕊玉榦自笑疏狂樽前起壽不似衛郎溫潤一卮汎
滿羨彭澤風流醉巾長岸老圃黃花清香宜歲晚

西江月

製香

龍沫流芳旒旒犀沈鋸削霏霏薇心玉露練香泥壓盡
人間花氣銀葉初溫火綬金猊靜裏煙微此時清賞
只心知難向人前舉似

虞美人題玉環玩書圖

玉搔斜壓烏雲墮
拄頰看書臥
開元天子惜娉婷
一笑嫣然何事便傾城
馬嵬風雨歸時路
豔骨銷黃土
多情誰寫畫圖中
江水江花千古恨無窮

洞仙歌八月十七日壽耕參夫人時命羽士設醮

銀波湛碧遙汎仙槎
早發宿熒煌瑞雲曉
慶芳傳丹桂
歡動連枝稱壽處
一簇蓬萊翠窈窕
步虛聲宛轉清徹
瑤壇疑是鈞霄鳳
音渺正金姥禮虛皇
天階淨涼入綃衣
風裏想金書祕字
賜長生進九醞霞
卮練顏長好

則堂詩餘目錄

水調歌頭

念奴嬌二

明堂經籍目錄

水滸烟殿

念双備二

則堂詩餘

眉山 家鉉翁 則堂

水調歌頭 題旅舍壁

瀛臺居北界，覲面是重城。老龍蹲踞，不動潭影淨無塵。
此地高陽勝處，天付仙翁爲主，那肯借閒人。暫挂西堂
錫，仍同過巨賓。六年裏，五遷舍，得比鄰。儒館豈遽於
粲，絃誦有遺音。甚喜黃冠爲侶，更得青衿來伴，應不歎
飄零。夜宿東華榻，朝餐泮水芹。

念奴嬌

中秋紀夢

雲階代奏不聯人間金百

神仙何處人盡道我州三神之土爲問何年飛到此拔
地倚天無迹縹緲瓊宮冥茫朱戶不與塵寰隔翩然鶴

下時傳雲外消息
露冷風清夜闌夢高人過我歡如
疇昔道骨仙風誰得似談笑雲生几席共踏銀虬追隨
絳節恍遇羣仙集雲韶九奏不類人閒金石

又送陳正言

南來數騎問征塵正是江頭風惡耿耿孤忠磨不盡惟
有老天知得短棹浮淮輕氈渡漢回首觚稜泣緘書欲
上驚傳天外清蹕 路人指示荒臺昔漢家使者曾留
行迹我節君袍雪樣明俯仰都無愧色送子先歸慈顏
未老三徑有餘樂逢人問我爲說肝腸如昨

北遊詞目錄

南鄉子

人月圓

摸魚兒

朝中措

金縷曲

踏莎行

北遊集

續溪 汪夢斗 以南

南鄉子 初入都門漫賦

西北有神州曾倚斜陽江上樓目斷淮南山一抹何由
載淚東風灑沐流何事卻狂遊直駕驢車渡白溝自
古幽燕為絕塞休愁未是窮荒天盡頭

朝中措 客邸有感

人言樓觀似寥陽巍倚太清傍便有二京賦手也須費
力鋪張客窗夢斷星稀月澹一枕淒涼舊日春風汴
水口口多少垂楊
人月圓 窗前月人只管中

尋常一樣窗前月人只看中秋年年今夜爭尋詩酒共
上高樓一箇明鏡能圓幾度白了人頭良辰美景賞
心樂事輸少年遊

金縷曲月夕賦首詞書畢愴然有感再賦此

滿目飛明鏡憶年時呼朋樓上暢懷觴詠圓到今宵依
前好詩酒不成佳興身恰在燕臺天近一段淒涼心中
事被秋光照破無餘蘊卻不是訴貧病宮庭花草埋
幽徑想夜深女牆還有過來蟾影千古詞人傷情處舊
說石城形勝今又說斷橋風韻客裏嬋娟都相似只後
朝不見潮來信且喜得四邊靜

摸魚兒過東平有感

憶舊時東方口郡東原儘是佳處梁都破了尋南渡幾
徧狐號鱗舞君試覩環一抹荒城草色今如許芳華舊
地曾一上飛雲歌臺酒館落日亂鴉度吟情苦滴盡
英雄老淚淒酸非是兒女西湖似我西湖否只怕不如
西子秋欲暮要一看秋波又自催歸計休口浪語待過
江說與高車駟馬今是朝天路

踏莎行賀宗人熙甫赴任

選得官歸黃埃滿面難於奏賦明光殿秋帆落日渡淮
來三杯酒濁憑誰勸舊日佳詞自吟一徧綠袍不是
嫦娥翦紅樓十里古揚州無人爲把珠簾捲

北遊集者爲宋績溪汪杏山先生夢斗所撰杏山以明
經發解江東漕試授承節郎咸淳初遷史館編校與葉
李劾賈似道等坐罪歸里宋亡元世祖因謝昌言之薦
召赴京北遊集卽作於是時者也至京後抗節不屈卒
不受官而歸高風亮節不愧宋末節義之士此本錄自
文津閣庫本詞六闕附於集後彊村先生輯刊宋元詞
錄此貽之傳布海內俾讀者如聽雍門之琴焉時在己
未歲暮南城李之鼎呵凍書於宜秋館

未遑暮南越李之誤阿東書飲宜煇韻

雞也韻之對本前內新歸音以歸聚門之琴調和五口

又車關車本歸之國州飲樂劍戲林大生舞汗宋示隨

不受官而歸高風哀贈不與宋末贈舞之士此本雜自

台扶京止越集唱引飲景和音也至京劍武館不固容

字陵賈以戲等坐與龍里宋寸示世世因國昌實之

孫幾稱工東曹始對承贈源和富四豐更東海交與

北越乘書為宋懸為玉杏山飲坐舞十和舞杏山以

心泉詩餘目錄

滿江紅

漁父 十八

賀新郎

欸乃詞

心泉詩餘

泉州蒲壽宍

□□

滿江紅登樓偶作
樓倚虛空覺人世不知何處人縹緲半櫓星斗一窗風
露潮退沙平鳧雁靜夜深月黑魚龍怒把青樽獨自笑
餘生成何事塵埃外談高趣煙波上題詩句這美景
良宵且休虛度夢覺宦情甜似蠟老來況味酸如醋念
兒曹南北幾時歸情朝暮
賀新郎贈鐵笛
鐵笛穿花去問長安市上生涯而今何似破帽青衫塵
滿面不識何人共語且面壁聽風□雨惟我虛中元識

破笑人閒日月無停杼名與利莫輕許
人生窮達皆天鑄試燈前爲問靈龜
勸君休肯心肯命通元有數何
幸知音記取季主也應留得住百歲
光陰彈指過算伯夷盜跖俱塵土
心一寸人千古

漁父

萬里長江一釣絲蕭蕭蓬鬢任風吹
微雨過片帆敲青

山濃淡更多奇

又

江渚春風澹蕩時斜陽芳草鷓鴣飛
蓴菜滑白魚肥浮家泛宅不曾歸

又

泉

泉

韻

口

口

煙浦迴環幾百灣
無人知此櫂頭船
風冷月娟娟
雲閒一過看飛仙

又

野纜閒移在筍江
旁人爭看老眉龐
鋪月席展風窗飛
來何處白鷗雙

又

葭荻橫披水東浪
花如雪晚來風雲母幌
水晶宮蓮花一葉白頭翁

又

飄忽狂風一霎閒
長魚吹浪勢如山
牢繫纜蓼花灣白鷗沙上伴人閒

又
清曉朦朧古渡頭
煙中人語艣聲柔雲五色蜃成樓
雞鳴日出似羅浮

又
搔首推篷曉色新
雪花飄瞥大江濱
漁父醉不收緝白
髭紅頰玉爲人

又
明月愁人夜未央
篷窗如畫水浪浪
何處笛起淒涼梅
花噴作一天霜

又
白首漁郎不解愁
長歌箕踞亦風流
江上事寄蜉蝣
靈

均那更恨悠悠

又

琉璃爲地水晶天一葉漁舟浪滿顛風肅肅露娟娟家在蘆花何處邊

又

江上浪花飛灑天拍堦鞞鞞屋如船月不夜水無邊何處笛聲人未眠

又

遠入茫茫無盡邊漁舟來往似行天敲枕看不能眠誰識人閒太乙仙

又書玄真祠壁

白水塘邊白鷺飛
龍湫山下鯽魚肥
敲雨笠著雲衣
玄真不見又空歸

又

巖下無心雲自飛
塘邊足雨水初肥
龜曳尾綠毛衣
荷盤無數爾安歸

欸乃詞贈漁父劉四

白頭翁白頭翁
江海爲田魚作糧
相逢祇可喚劉四
不受人呼劉四郎

蒲壽宓心泉學詩彙六卷四庫以其名不見於史志
僅據萬姓統譜八閩通志知爲泉州人而書名作崧
晟又互有異同其事蹟亦所傳不一因附錄南宋之
末授經京卿以所藏舊寫本見示後附詩餘十八首
大半皆漁父詞珍其罕覩故錄存之光緒戊申十二
月廿遯記

月什...

大平首... 父... 其... 軍... 照... 始... 難... 齊... 之... 旅... 絲... 效... 申... 十... 三...

木... 貝... 示... 送... 州... 宜... 符... 十... 八... 百...

婦... 夕... 符... 其... 建... 鐵... 衣... 漁... 欄... 不... 一... 因... 出... 疑... 南... 水... 六...

強... 刺... 萬... 劫... 萬... 清... 八... 國... 通... 志... 厭... 臥... 泉... 限... 入... 而... 轉... 符... 其... 效... 申... 十... 三...

高... 露... 效... 心... 見... 學... 諸... 藥... 六... 寺... 四... 車... 以... 其... 各... 小... 貝... 效... 申... 十... 三...

蘭雪詞目錄

法曲獻仙音

蘇幕遮

玉蝴蝶

玉樓春

玉女搖仙佩

賣花聲

念奴嬌

水調歌頭

蕙蘭芳引

如夢令

憶秦娥

南鄉子

浣溪沙

小重山

漢宮春

燭影搖紅

高宮春

歐陽詒珠

高麗心

小蓮山

謝葵淑

南淵子

蕭蘭芬氏

歐蕙命

金双淑

水塘水殿

王文謝山尉

南外灘

王懋魁

王懋春

去曲烟山管

蕭慕慈

陶管廣目毅

蘭雪詞

松陽張玉若瓊

法曲獻仙音夏夜

天捲殘雲漏傳高閣數點螢流花徑立盡屏山無語新
竹高槐亂篩清影看畫扇羅衫上光凝月華冷夜初
永問蕭娘近來憔悴思往事對景頓成追省低轉玉繩
飛澹金波銀漢猶耿簾展湘紋向珊瑚不覺清倦任釵
橫鬢亂慵自起來偷整

蘇幕遮春曉

月光微簾影曉庭院深沈寶鼎餘香裊濃睡不堪聞語
鳥情逐梨雲夢入青春杳海棠陰楊柳杪疏雨寒煙

似我愁多少誰唱竹枝聲繚繞□□臨風自訴東風早

玉蝴蝶離情

極目天空樹遠春山蹙損倚徧雕闌翠竹參差聲裏環
佩珊珊雪肌香荆山玉瑩蟬鬢亂巫峽雲寒拭啼痕鏡
光羞照孤負青鸞何時星前月下重將清冷細與溫
存薊燕秋勁玉郎應未整歸鞍數新鴻欲傳佳信閣免
毫難寫悲酸到黃昏敗荷疏雨幾度銷魂

玉樓春春暮

凭樓試看春何處簾捲空青澹煙雨竹將翠影畫屏紗
風約亂紅依繡戶小鶯弄柳翻金縷紫燕定巢銜舞
絮欲憑新句破新愁笑問落花花不語

玉女搖仙佩秋情

霜天破夜一陣寒風亂
浙入簾穿戶醉覺珊瑚夢回湘
浦隔水曉鐘聲度不作高唐賦
笑巫山神女行雲朝暮
細思算從前舊事總爲無情頓相孤負
正多病多愁又
聽山城戍笳悲訴
強起推殘繡褥獨對菱花瘦減精
神三楚爲甚月樓歌亭花院酒債詩懷
輕阻待伊趨前路
爭如我雙駕香車歸去任春融翠閣
畫堂香靄席前
爲我翻新句依然京兆成眉嫵

賣花聲冬景

衾重夜寒凝幽夢初醒玉盤香水徹清冰起向妝臺看
曉鏡瘦蹙梅英門外六花零香袂稜稜等閒斜倚舊

圍屏冷浸寶匳脂粉懶無限淒清

念奴嬌中秋月次姚孝寧韻

冰輪駕海破寒煙萬點蒼山凝綠清逼嫦娥秋殿靜桂
樹香飄金粟萬頃琉璃一天素練光徹飛瓊屋楚雲無
迹蕭蕭夢斷銀竹都勝三五尋常夜高河新瀉下雪
波霜瀑臂冷香銷成獨坐顧影口愁千斛燕子樓空鳳
簫人遠幽恨悲黃鵠夜闌漏盡梅花聲動湘玉
水調歌頭次東坡韻
素女煉雲液萬籟靜秋天瓊樓無限佳景都道勝前年
桂殿風香暗度羅襪銀牀立盡冷浸一鉤寒雪浪翻銀
屋身在玉壺閒玉關愁金屋怨不成眠粉郎一去幾

見明月缺還圓安得雲鬢香臂飛入瑤臺銀闕兔鶴共
清全竊取長生藥人月兩嬋娟

蕙蘭芳引秋思

星轉曉天戍樓聽單于吹徹擁翠被香殘霜杵尙喧落
月楚江夢斷但帳底暗流清血看臂銷金釧一寸眉交
干結雨阻銀屏風傳錦字怎生休歇未應輕散磨寶
簪將折玉京縹緲雁魚耗絕愁未休窗外又敲黃葉
如夢令戲和李易安

門外車馳馬驟繡閣猶醺春酒頓覺翠衾寒人在枕邊
如舊知否知否何事黃花俱瘦

憶秦娥詠雪

天冪冪彤雲黯澹寒威作寒威作瓊瑤碎翦乘風飄泊
佳人應自嫌輕薄亂將素影投簾幕投簾幕不禁清
冷向誰言著

南鄉子清晝

疏雨動輕寒金鴨無心爇麝蘭深院深深人不到凭闌
盡日花枝獨自看銷睡報雙鬢茗鼎香分小鳳團雪
浪不須除酒病珊珊愁繞春叢淚未乾

浣溪沙秋夜

玉影無塵雁影來繞庭荒砌亂蛩哀涼窺珠箔夢初回
壓枕離愁飛不去西風疑負菊花開起看清秋月滿

臺

印月如蟾
風衣野
香留
人語
臺
照
關
夜
綺
華

小重山秋思

秋入瑤臺玉簾涼藕花香暗度紫荷鄉軟
口羅扇動清商霜漸老庭外菊初黃
眉月畫應慵瘦臞口對鏡怨容光
淚痕寒染翠綃裳梧葉盡疏影下銀牀

漢宮春

元夕用京仲遠韻

玉兔光回看瓊流河漢冷浸樓臺正是歌傳花市雲靜
天街蘭煤沈水澈金蓮影暈香埃絕勝口三千綽約共
將月下歸來多管是春風有意把一年好景先與安
排何人輕馳寶馬爛醉金疊衣裳雅澹擁神仙花外徘徊
獨怪我繡羅簾鎖年年憔悴裙釵燭影搖紅又用張材甫韻

梅雪乍融單于吹徹寒猶淺夜從燈下翦春幡笑罷椒
盤宴雲母屏開簾捲放嫦娥廣寒宮苑星移銀漢月滿
花衢繞城絃管□□□□譙樓一任更籌換錦霞銀
樹玉橋聯誰道蓬山遠可是紫簫聲斷漫懊恨春宵苦
短不堪回首照□芙蓉斷腸鴻雁

小重山好思

拙軒詞目錄

昭君怨

點絳脣

菩薩蠻

採桑子

減字木蘭花

酒泉子

人月圓

鷓鴣天

南鄉子

醉落魄

一翦梅

漁家傲

轉調踏莎行

感皇恩

望月婆羅門

鷺山溪

洞仙歌

水調歌頭

紅袖扶

大江東去

瑞鶴仙

大山東志

同山志

水滸魚

同山志

舞陽

神農

魏

神農

魏

神農

魏

神農

魏

神農

魏

神農

魏

神農

魏

神農

魏

拙軒詞

玉田吳王隱寂喜元老

昭君怨江行

一曲清江環碧兩岸
青蘆荻煙雨暗西山有無聞

有酒須當痛飲百歲黃梁一枕
瞰莫放愁閒上眉端

點絳脣上太夫人壽

阿母瑤池夢迴風露青冥曉六宮
儀表曹大家風好

滿眼兒孫大國金花誥頭如葆未嘗
聞道冷笑西河老

又闋思

疏雨池塘一番雨過香成陣海榴紅
褪燕語低相問

冰簟紗幮玉骨涼生潤沈煙噴日長
人困枕破斜紅暈

菩薩蠻春閨

春閨
日暮人困
林靜
珠暈

回文錦字殷勤織歸鴻點破晴空碧上盡最高樓闌干

曲曲愁黃昏猶竚立何處砧聲急強欲醉烏程醒時

月滿庭

金杯
未嘗聞
合笑

又

六宮
奏曹
大寒
風

鎮犀不動紅鑪窄宿醒惱損金釵客瑞鴨鬢彫盤白毫

起鼻端

韓郎
雙鬢
老箇
裏知
音少
留取
麝煤
殘臨
鸞

學遠山

林
雨
西
山
青
無
間

又回文題扇圖

碧空寒露松枝滴滴枝松露寒空碧山遠抱溪灣灣溪

抱遠山

竹疏
橫岸
曲曲
岸橫
疏竹
寒鷺
宿平
灘灘
平

宿鷺寒

採桑子用司馬才叔韻

西風吹破揚州夢
歇雨收雲密約深
論羅帶香囊取次
分冷煙衰草長亭路
消黯離魂羞對芳尊
剛道啼痕是酒痕

又

馬蹄如水朝天去
冷落朝雲心事休
論蘸甲從他酒百
分不須更聽陽關
徹消盡冰魂惆悵
離尊衣上餘香
臂上痕

又

十年塵土湖州夢
依舊相逢眼約心
同空有靈犀一點

通尋春自恨來何暮
春事成空懊惱東風綠盡疏陰
落盡紅

減字木蘭花送春

羽書催去落絮飛花縈不住
湖上流鶯欲別頻啼三兩
聲劉郎未到孤負東風何草草
今度重來不放桃花
取次開

又

髻羅雙綰豔豔修眸秋水翦
笑豔頰眉無限閒愁總未
知虛檐月轉一曲未終腸已斷
百斛明珠買得尊前
一醉無

又

湖山明秀豆蔻梢頭春欲透
學語鴉兒多少閒愁總未
知新聲皓齒惱損蘇州狂
刺史一斛驪珠許我尊前
醉也無

酒泉子夫人生朝

禊飲連宵簾捲曉風香
鴨噴兒孫羅拜捧金荷
沸笙歌
赤霜袍軟髻嗟峨名在
仙班應不老人間歲月儘
飛梭柰君何

人月圓再過真定贈蔡特夫

錦標彩鷁追行樂
管領鎮陽春而今重到
鶯花應笑老
眼黃塵憑君問舍
彫北側準擬乞閒身
北潭漲雨西樓橫
月藜杖綸巾

鷓鴣天

秋後亭皋木葉稀
霜前關塞鴈南歸
曉雲散去山腰瘦
宿雨來時水面肥
吾老矣
久忘機
沙鷗相對不驚飛
柳溪父老應憐我
荒卻溪南舊釣磯

又

千頃玻瓈錦繡堆
弄妝人對影徘徊
香熏水麝芳姿瘦
酒暈朝霞笑臉開
嬌倚扇
醉翻杯
莫隨雲雨下陽臺
平生老子風流慣
消得冰魂入夢來

南鄉子

大定甲辰馳驛過通州
賢守開東閣
出樂府縹緲人作累累駐雲新
聲明眸皓齒非妖歌嫵舞

賦山

欺兒童者可比怪其服色與噲等伍
或言占籍

未久不得峻陟上游問之云青其姓小字梅兒
因感其事擬其姓名戲作長短句以明日黃花
蝶也愁歌之

綽約玉爲肌宮額嬌黃淺更宜京洛風塵無遠韻心期
只有多情驛使知翠羽翦春衣林下風神固亦奇辛
苦半生誰挂齒頰眉似怨東君著子遲

醉落魄

歎世

百年旋磨等閒事莫教眉鎖功名畫餅相謾我冷暖人
情都在這些箇潘瑜不怕經三火蓮花未信淤泥浣
而今笑看浮生破禪榻茶煙隨分與他過

一翦梅

蔡州作

懸瓠城高百尺樓荒煙村落疏雨汀洲天涯南去更無
州坐看兒童蠻語吳謳過盡賓鴻過盡秋歸期杳杳
歸計悠悠闌干凭徧不勝愁汝水多情卻解東流

漁家傲夫人生朝

前日河梁修禊罷閒庭未拆秋千架萱草堂深飛壽斝
香滿把綵衣蘭玉森如畫海上麻姑親命駕玄霜乞
得宜春夏快約伯鸞冠早挂筠窗下團欒共說無生話
又瑞香

巖秀不隨桃李伴國香未許幽蘭換小睡最宜醒鼻觀
檐月轉紫雲娘擁青羅扇半世廬山清夢斷天涯避
迓春風面茗椀不來羞自薦空戀戀野芹炙背誰能獻

轉調踏莎行元旦

爆竹庭前樹桃門右香湯□浴罷五更後高燒銀燭瑞
煙噴金獸萱堂次第了相爲壽改歲宜新應時納祐
從今諸事願勝如舊人生強健喜一年入手休辭最後
飲醪酥酒

感皇恩漫興

天地一浮萍人生如寄畫餅功名竟何益百年渾醉三
萬六千而已過了一日也無一日韶顏暗改良辰易
失絲竹杯盤但隨意醪醖賞罷更向牡丹叢裏戴花連
夜飲花前睡

又有贈

寶髻縮雙螺，感金羅抹紅袖。珍珠臂鞦，十三絃上小。
小剝蔥銀甲，陽關三疊徧花十八。鴈行歷歷鶯聲恰，
恰洗盡歌腔舊嘔啞。坐中狂客不覺琉璃杯滑，纏頭莫
惜與金釵插。

望月婆羅門懷古

笑談尊俎坐中驚，歎謫仙人烏絲落筆如神。喚起小鬟
風味學按古陽春，對瓊枝璧月朝暮長新。宦萍此身
歎別後迹俱陳，獨有芳溫一念紅淚羅巾。憑誰妙手爲
寫寄崔徽一幅真，聊慰我老眼風塵。

又元夕

小寒料峭一番春意，換年芳。蛾兒雪柳風光開盡，星橋

鐵鎖平地瀉銀潢記當時行樂年少如狂
宦游異鄉對節物只堪傷冷落譙樓淡月燕寢餘香快呼伯雅要
洗我窮愁九曲腸休更問勲業行藏

驀山溪退食感懷

山城塊坐空弔朋儕影撾鼓放衙休悄無人日長門靜
折腰五斗所得不償勞松暗老菊都荒誰爲開三徑
及瓜不代歸計渾無定羈客柰愁何儘消除詩魔酒聖
兒童蠻語生怕閩黃楊爭左角夢南柯萬事從今省

洞仙歌自爲壽

先生老矣飽閱人間世磨衲簪纓等遊戲趁餘生強健
好賦歸歎收拾箇經卷藥鑪活計辟寒金翦碎漉螳

浮香恰近重陽好天氣有荆釵舉案綵服兒嬉隨分地
且貴人生適意也不願堆金數中書願歲歲今朝對花
沈醉

水調歌頭

上南京留守

聖世賢公子符節鎮名邦襄惟一見丰表無語已心降
永日風流高會佳夕文字清歡香霧溼蘭缸四座皆豪
逸一飲百空缸指呼閒談笑裏鎮淮江平安千里烽
燧臥聽報雲窗高帝無憂西顧姬公累接東征勳業世
無雙行捧紫泥詔歸擁碧油幢

又戊申季秋月十有九日賞芙蓉於汝南佑德觀酒酣
爲賦明月幾時有蓋暮年游宦之情不能已也

岸柳飄疏翠籬菊減幽香蝶愁蜂嬾無賴冷落過重陽
應爲百花開盡天公著意留與尤物殿秋光霽月炯疏
影晨露浥紅妝柰無情風共雨送新霜嫁晚還驚衰
早容易度年芳祇恐韶顏難駐擬倩丹青寫照誰喚劍
南昌我亦傷流落老淚不成行

紅袖扶酌酒

風拂冰檐鎮犀動翠簾珠箔祕壺暖宮黃破萼寶薰閒
卻玻璃甕頭漉雪擘新橙秀色浮杯杓雙蛾小驪珠一
弗梁塵驚落俗事何時了便可束之高閣笑半紙
功名何物被人拘縛青春等閒背我趁良時莫惜追行
樂玉山倒從教喚起紅袖扶著

大江東去弔舍弟

長堤千里過睢陽
隱約江山如故憶
昔斑衣爲壽日
伯仲填篋歌舞博
勝香囊笑爭瓜葛
膝上王文度
西城南浦月明
扶醉歸路
重來華髮蒼顏
故人應怪我平生
羈旅仲也風流
今已矣俯仰人
間今古闕伯層
臺六王雙廟盡
是經行處感時
懷舊一襟清淚
如雨

又美人

破瓜年紀黛螺垂
雙髻珍珠羅抹
姬妣吳音嬌
滴滴風裏啼鶯
聲怯飛燕精神
驚鴻標致初按
梁州徹舞裙微
褪汗香融透春
雪少陵詞客多
情當年曾爛賞
湖州風月自恨
尋春來已暮子
滿芳枝空結湘
佩輕拋韓香

偷許空想凌波鞵章臺楊柳可堪容易攀折

又

芳姿蕙態笑人間脂粉尋常紅白大抵風流天也惜賦
與梅魂蘭魄元相名姝謝家尤物縹緲眞仙格朝來酒
惡可人一笑冰釋韓郎老矣情懷鬢絲禪榻花落茶
煙溼心字殷勤通一線千劫消磨不得被底春温尊前
風味回首傷春客卻愁雲散等閒好夢難覓

瑞鶴仙上高節度壽

轅門初射戟看氣壓羣雄虹飛千尺青雲試長翮擁牙
旗金甲掀髯橫策威行蠻貊令萬卒縱橫坐畫蕩淮夷
獻凱歌來斗印命之方伯赫赫功名天壤歷事三朝

許身忠赤寒陂湛碧容
卿輩幾千百看皇家圖舊紫泥
催去莫忘尊前老客願
年年滿把黃花壽君大白

莊瀛山土高僧更喜
神門空林妙音屏風
掛珠千尺清雲
幾處關

風和回首對春容
略憇靈精淨
問我道
幾箇

歡喜小字如蓮
一輪千
時自擇
不
物
聚
有
溫
華
前

源匠人一
笑水
舞
韓
腹
甚
笑
謝
刺
露
絲
彌
謝
芬
芳

與
醉
舞
蘭
酌
元
酥
杏
枝
梅
寒
飲
心
醉
舞
真
山
香
梅
來
河

英
交
德
惠
笑
人
情
能
得
釋
常
珠
白
大
洲
流
天
且
音
別

又
情
空
慰
對
妙
舞
章
臺
慰
心
何
堪
容
展
翠
衣

情
空
慰
對
妙
舞
章
臺
慰
心
何
堪
容
展
翠
衣

莊靖先生樂府目錄

洞仙歌三

瑞鶴仙五

醉江月四

摸魚兒

謁金門十七

水龍吟二

阮郎歸三

感皇恩三

滿江紅五

婆羅門引

清平樂四

南鄉子四

太常引三

西江月四

鵲橋仙二

點絳脣五

鷓鴣天

四存二
以下原本並缺

如夢令

眼兒媚

好事近

長相思

登江樓

烏夜啼

小紅樓 十三

訴衷情 二

醉春風 二

喜遷鶯 二

促拍醜奴兒 二

蝶戀花 二

柳梢青

醉蓬萊

小重山

金門

酒

歸山

某激夫坐樂府目錄

莫魚泉

歸山

莊靖先生樂府

澤州 李俊民 用章

洞仙歌謝楊成之寄梅

隴頭瀟灑孤負尋芳眼浪蕊浮花問名懶縱看看驛使
帶得春來祇恐怕綠葉成陰子滿暗香無恙否月落
參橫惆悵羅浮夢魂短賴故人情重不減西湖花一月
分我黃昏一半更選甚南枝與北枝是一種春風待爭
寒暖

又津梁與許道真郭伯誠劉光甫同賦

百年富貴一覺邯鄲夢識破中流退應勇縱生前身後
得箇虛名褒貶處一字由他南董故園歸去好還肯

同歸大廈如今有梁棟對青天咫尺列宿森然君莫怪
不見少微星動且拂袖林泉作詩人儘明月清風笑人
嘲弄

又中秋

秋光海底湧出銀盤爛只怕微雲淡河漢料姮娥應笑
醉舞仙人今夜裏空恁尊前撩亂尋常三五夜也有
團圓爭奈人心未能滿記當初破鏡飛上天時雙照影
留得人閒一半待仗他玉斧再修成問明月明年共誰
同看

瑞鶴仙細君壽日

蕭然林下秀笑檐外梅花似人清瘦東風在垂柳算幾

時吹散眉閒春皺興來搔首問今朝何處有酒怕一場
醉後漁歌樵唱大家拍手知否眼前活計無辱無榮
天長地久不須肘後望懸他金印如斗待一朝隨我騎
鯨去後共尋天上王母把碧桃花底流霞爲君添壽

又弟李經略生朝

曉窗寒氣峭問小槽滴後眞珠多少博山壽煙裊向百
花頭上梅花開了金尊頻倒甚坐閒猶恨杯小記去年
今日大家同慶太平佳兆堪笑浮雲世事流水生涯
南柯夢覺風光正好欲退時何似聞早把俗緣拋盡道
遙林下青松長伴難老與鶴鳴立箇家風作千年調

又

縣縣仙種李有大道家風逍遙活計長庚見苗裔問如
何謫在落花浮世麴生風味爲喚回席上和氣被誰人
說破黃梁夢裏一場富貴何濟不如歸去樂取閒身
登山臨水眾人皆醉笑獨醒澤畔憔悴但從今管甚雲
翻雨覆暫教心上無事且一杯盡後一杯滿百千歲

又沁南守劉巨源誕節

十月十五

人生爲郡樂推拯俗仁懷濟時英略和風散蓮幕把功
名一事暫宜高閣興來自酌要酒澆胸次磊落比月中
玉兔別有長生安心是藥休錯早還識破一夢南柯
宦情漸薄北山素約試回首千巖萬壑况竹林當日七
賢游處物外驂鸞駕鶴在爛柯局畔樵人看君下著

又錦堂壽日

壬寅十一月十五日

河東賢太守使草木生光太行增秀功名落誰後醉歸
來馬上氣衝牛斗一陽應候看春光先到細柳笑坐中
有客侯輕萬戶詩誇千首依舊桂花盈處蕙葉圓時
爲君添壽滿堂飲酒盡平生傾蓋素友對水雲鄉裏眞
山面目錢家誇甚錦繡但年年歲歲相逢似人耐久風
酌江月壬寅中秋與楊外郎仲朋姪璿郭仲進姪謙甫

福昌待月

中庭待月正催詩雨過暮山橫碧別有連昌秋幾度一
話團圓今夕萬里清風坐中爲我埽盡雲蹤迹冷光不
似尋常些小窺隙 應笑白髮功名倚樓看鏡惟酒禁

愁得且鬪尊前身見在疊疊風生談席洛下仙舟斗閒
星使邂逅非生客天涯雙桂廣寒誰念幽寂

又六月十四日感舊

先生
題曰

臞仙風格暫天教作箇人閒浮客白髮光陰催老境誰
見摩挲銅狄揮劒成河曳戈卻日著盡回天力黃梁夢
覺轉頭一段陳迹休問花謝花開春蘭秋菊總被風
欺得華表鶴來人換世惟有眼前山色偃徑栽松傍門
插柳笑比陶彭澤晚涼月下一尊聊永今夕

又承濟之和復用元韻

脫巾挂壁向雀羅門外幾回迎客縱有一尊陶寫後不
遇當年儀狄未著祖鞭先投班筆老恨無才力天涯地

角斷蓬流落蹤迹
歸去作箇閒人錦囊詩句都向閒
中得漫說他鄉光景好多少世情風色損友違三益朋
近五易卦占山澤人閒星聚不知天上何夕

又王懷州壽日

丁酉年

堂堂玉立看坐閒揮塵風生談席相對竹林三四友氣
壓蘭亭豪逸招隱詩中登樓賦內此恨無人識缺壺歌
後佩刀還向誰得何用三窟謀身醉鄉一笑與元規
塵隔好在朝川堪畫處寫出高人椽筆雲外鳥鳧月邊
笙鶴邂逅騎鯨白蟠桃會上不爲王母生客
摸魚兒送姪謙甫出山
這光景能消幾度大都數十寒暑結廬人在山深處萬

豁千巖風雨朝復暮甚不管堂堂背我青春去高情自
許似野鶴孤雲江鷗遠水此興有誰阻功名事休歎
儒冠多誤韓顛彭蹶無數士溪隔斷桃源路只有人家
雞黍歌且舞更不住醉中時出煙霞語暫來樵斧貪看
兩爭棋人閒不道俯仰成今古
謁金門贈教授李勉之
初雨歇槐夏綠陰時節萬里無雲天紺滑一輪光皎潔
好怕暫高還沒好怕暫圓還缺同是廣寒宮裏客相
逢無話說

又和邦直

煙雨曉夢斷池塘春草坐上麴生風味好銀杯休厭小

剛要玉山醉倒社饗釀成微笑人世閒愁都占了有情天也老

又

昏又曉蝶夢不棲芳草照映瓊林人物好熏香荀令小
不怕醉時健倒恐怕醒時花笑潘鬢都因愁白了老
人心未老

又西齋得梅數枝色香可愛一日爲澤倅崔仲明竊去
感歎不已因賦謁金門十二章以寫其悵望之懷

寄梅

開未徹先把一枝偷折看取黃昏今後別暗香浮動月
誰爲尋芳時節誤了前村踏雪爲問花閒能賦客如

何心似鐵

又探梅

誰便道昨夜雪中開了次第不將消息報探芳人草草
宜在嫩寒清曉興比孤山更好流落逢花須醉倒惜

花人易老

又賦梅

金的皦猶帶枝頭寒色休道北人渾未識自然梅有格
初見花時摘索再見花時狼藉詩句眼前拈不出惱
人樓上笛

又歎梅

頻點檢依舊雪肌清減似恨海東花使濫不教么鳳探

休笑詩人冷淡道盡影疏香暗桃杏雖然無藻鑑承
當應不敢

又慰梅

誇獨秀動把春光泄漏誰道江南無所有一枝先入手
須是日將月就那在風飄雨驟直待豆穡灰落後初
嘗山店酒

又賞梅

全不讓占了百花頭上沒箇知音人共賞陶潛無處望
也有江湖酒量也有風騷詩將休道花前無伎倆疏
狂些子放

又畫梅

偷造化秀出含章檐下爲問花中誰可嫁海棠開已罷
占了十分閒雅占了十分瀟灑若使畫工能此畫九
方皋相馬

又戴梅

花譜內莫作等閒看待鬪草吳王無可對有他西子在
好在_一枝竹外影也教人堪愛未免世閒兒女態折
來頭上戴

又別梅

懷抱惡猶被暗香著莫想在隴頭誰領略一枝分付錯
今夜雲窗霧閣明夜煙村水郭紙帳天寒人寂寞夢
回聞雪落

又望梅

春一半留與大家同看覓箇溫柔林下伴北枝猶未暖
縱有姮娥照管可惜羅浮夢短斷嶺不能遮望眼幾
時魂卻返

又憶梅

多少恨不見舊時風韻浪蕊浮花都懶問江頭春有信
誇甚壽陽妝鏡說甚揚州詩興雲破月來堪弄影世
閒無此景

又夢梅

隨健步已過市橋江路費盡西湖多少句暗香留不住
消得黃昏幾度又是天寒日暮枕上吟魂無著處化

爲胡蝶去

又再和邦直

人未曉古錦囊中詩草抹月批風滋味好氣吞雲夢小
要把鳳樓驚倒不學烏臺嘲笑多少閒愁陶寫了數
篇吟可老

又河南府同知高誠之壽

風漸力水翦飛花狼藉鼎沸笙歌催舉白玉堂金馬客
歡動周人頌德喚起洛陽春色況值日南天道北老
人星拱極

水龍吟翟端甫壽日十一明

勝游漫說山陰算來不及山陽好七賢林下一時人物

何如安道況有奇才縱橫筆陣千軍獨掃向碧油幢底
眞儒事業倚馬看檄書草誰識平居隱操濯遇江州
十分禮貌世情交態雀羅門外幾人曾到且鬪尊前等
閒休問高山白早賴姮娥留得一枝丹桂伴靈椿老男

孫哥

又籌堂壽日

一朝衣錦歸來高門不負于公望恍然如舊黃流萬里
太行千丈只比當時添些氣勢減些風浪記采薇成罷
分茅議定凱歌動聲悲壯元自山西出將卻從他山
東人相兜鍪須待貂蟬換了凌煙畫像且把功名暫都
分付淺斟低唱但年年看取三台長在老人頭上

阮郎歸戲李子播

江南江北水連雲江山憔悴人華簪猶拂洛陽塵離筵

何太頻歌近耳酒盈尊尊前見在身昨朝罵坐灌將

軍近前丞相曠

又楊彥明壽日籌堂不負下公

年來宅相有誰承人誇似舅甥帶牛佩犢盡春耕菟裘

了一生閒事業寄丹青筆端如有神試看自寫鏡中

眞老人南極星

又郭延年誕日

斷蓬蹤迹去依劉試登王粲樓此心安處卽菟裘尚何

來往求詩遣興酒消愁竹林多勝游與君何日共仙

舟相看應白頭

感皇恩楊成之生朝

四月初三日

啼鳥怨春歸一聲聲切萸莢初生兩三葉征鞍何處擽

亂楊花如雪鵲聲頭上喜來時節香篆半消壽波重

酌玉帶金魚坐中客幕天席地便是仙家日月試從今

後數蟠桃結

又李子搢壽日

戊申年甲乙科第

甲乙占科名同根仙李富貴南柯夢相似天涯雙桂慙

愧廣寒宮裏恩恩歸去覓佳山水休話升沈休形悵

喜且論南華養生理問君甲子少我行年一紀須知鄉

黨禮莫如齒

又出京門有感

忍淚出門來楊花如雪惆悵天涯又離別碧雲西畔舉
目亂山重疊據鞍歸去也情悽切一日三秋寸腸千
結敢向青天問明月算應無恨安用暫圓還缺願人長
似月圓時節

滿江紅孟州長馮巨川誕日

解愠風來天氣爽綠陰庭院多少話暫都分付畫梁雙
燕明月欲隨人意滿十分未慳姮娥願但一年一度壽
觴時身長健一玲瓏曲低低按玻璃淺深深勸任春紅
吹上桃花人面簪履盡居彈鋏下煙嵐休恨平嵩遠待
試看南極老人星今朝見

又和張文玘

宿酒纔醒聽喚起一聲春曉無限恨滿城風絮散川煙
草年少拋人容易去萬紅千紫都開了試但教頭上插
花枝花應笑狂言在人絕倒狂藥盡愁難埽待了
屬付再來青鳥團扇不堪題往事斷絃惟恨知音少但
時時頻把鏡來看人將老

又

名利場中愁過了幾多昏曉試看取江鷗遠水野麋豐
草世事浮雲翻覆盡此生造物安排了但芒鞋竹杖任
蹉跎狂吟笑尊有酒同誰倒花滿徑無人掃念紅塵
來往倦如飛鳥懶後天教閒處著坐閒人比年時少向

太行山下覓菟裘吾將老

又李孝先壽日

四月八日

小雨初晴風搖蕩綠陰清晝見說到長庚復向人閒鍾

秀又對上番成竹筍能忘贈別垂條柳看將來三五月

圓時人如舊

時東平取前妻

浮世事君知否春夢斷空回首

笑平生豪邁氣冲牛斗幽鳥自歌無譜曲飛花故送長

生酒待騎鯨海上再相逢爲君壽

又詠雪

漠漠愁陰銀界曉浩然一色誰翦冰就中撩亂燕山如

席天若有情天也老高山底事頭先白甚教人錯恨五

更風花狼藉寒欲退劉叉筆深欲沒韋郎膝問何如

江上孤舟蓑笠君不見過門多惡客等閒踏破瓊瑤迹
便粗豪下馬坐人牀尋歡伯

婆羅門引重陽與元帥竇子温暨眾友東城賞菊卽席

賦

浮空霽色江涵秋影雁初飛相逢共繞東籬點檢尊前
見在人似曉星稀對滿山紅樹葉葉堪題大家露頂
任短髮被風吹只恐黃花人貌不似年時杯添野水更
何用頻頻望白衣沈醉後攜手方歸

清平樂

壬申歲六月十四日

滿斟綠醕勸我千金壽不住光陰催老醜三十七年回
首鏡中白髮無多缺壺安用長歌有志封侯萬里列

仙不柰臞何

又錦堂壽

青雲得路休歎功名誤好在朝川堪畫處聞早抽身歸

去任他千丈風波光陰著酒消磨識破落花浮世笑

看金狄摩挲

又閨重九宋翔卿席

黃花今後纔是秋光暮依舊滿城風又雨句引錦囊詩

句東籬尙可重游羨君來往風流莫惜尊前健倒這

回節去蜂愁

又戲贈

城南歸路信馬隨車去家在白雲樓下住簾幕深沈庭

戶 不論天上人閒到頭此債須還一枕行雲夢覺小樓卻似巫山

南鄉子 李克紹生朝

來往亦風流曾伴仙翁衣錦游聞道長平朱紫地西樓依舊人人說故侯能得幾春秋未必靈椿老便休自有枝枝丹桂在何憂寶月忙催玉斧修

又上夫人壽日

香靄博山鑪羅綺森森奉燕居畫錦歸來冠蓋里當時曾拜金花大國書一旦得雙珠阿大中郎喜有餘見說上天雖富貴爭如平地仙家碧玉壺

又錦堂壽日

弓劍不離身唾手功名馬上成見說人生爲郡樂班春
政事如棋局局新熊夢慶佳辰喜動山城擊壤民晝
錦堂前爭獻壽留賓盡是蟠桃會上人

又錦堂碧落壽席

爽氣逼人寒相對溪堂雪後山賴有忘年林下友盤桓
都把功名付等閒盡道好休官況在黃柑紫蟹閒天
意不隨人事改平安愁莫能侵鏡裏顏

太常引同知崔仲明生日

太行千里政聲揚問何處是黃堂遺愛幾時忘試聽取
人歌召棠錦衣年少插花躍馬休負好風光三萬六
千場但暮暮朝朝醉鄉

又竇君瑞壽日

燕山勳烈有餘光
問丹桂幾枝芳
陰德後來昌
但教子
應須義方
功名看破黃冠野服
林下道家裝
何處是
仙鄉
這日月閒中最長

又劉君祥壽

二月十五日

區區州縣肯徒勞
誰得似卯金刀
一笑醉蟠桃
問何處
仙山可巢
兩朝人物積年陰德
心力過蕭曹
門戶便
須高看
今後君家鳳毛

西江月 籌堂壽

落落瓊林人物飄飄鶴
擎仙風渡江以後見英雄
那在
懸刀一夢
霧恰山中隱
豹雲還天上從
龍太行直枕

大河東猶比聲名不重

又裴節使壽

字懷誠

薦疏李誇精鑑

垣

堦佳韋得賢侯

寬

手如霹靂在同州

步之不讓當時談藪

願

但可稱為勁草

請

莫教指作清

流

樞

歸來綠野任沈浮

度

這箇家風耐久

炎

又張堂臣壽日

人比當年楊柳六郎元似蓮花漁經獵史是生涯那羨

章臺走馬

日

鱸膾未歸夙駕斗牛尚客星槎直教三戰

過崔家伴取赤松林下

又荅亞之

漠漠煙生碧樹溶溶水滿芳溪東風吹溼落花泥忙殺

營巢燕子 百字詩慙我寄一壺酒望君攜休將閒事
等閒提且把眉頭放起

鵲橋仙段侯壽日

題橋志氣沈碑勲業不在著鞭人後浮雲富貴轉頭空
似一夢南柯太守 鞦韆川別墅平泉小隱此計地長天
久金章還肯換蓑衣買陂塘旋栽楊柳

又劉君祥壽

癸卯二月十五日

歲方值卯斗方指卯卯月月圓時候大家來把卯時杯
共與箇卯金爲壽 一杯壽酒一杯貴酒更有一杯富
酒一杯留得賀添丁見積善之家有後
點絳脣重陽菊閒小酌同申元帥等

秋樹風高可憐憔悴門前柳白衣去後閒卻持杯手
一笑相逢落帽年時友君知否南山如舊人比黃花瘦

又錦堂壽日

馬土功名射雕誰似將軍手一朝肘後金印懸如斗

錦繡山川何似人長久閒中友為君添壽共勸忘懷酒

又王懷州壽日

戊戌十月一日

橫稍將軍是他馬上男兒事河山表裏養就英雄氣

衣錦歸來占盡人間貴功名遂神仙平地學取留侯計

又馮巨川南齋牡丹

花恨開遲為花遲後為花惱問花開了卻恨花開早

人貌年年不似花長好還知道年年人貌卻笑花先老

又酒贈申元帥

著甚乾忙人生只合糟工老一杯軟飽從事齊能到

不讀離騷恐怕愁難掃春光好醉時便倒何處無芳草

鷓鴣天弔李克修

須信人生足別離此情惟有落花知方憂躍馬明年事

年四十二忽至黃楊厄閏期乙未七月二生有限去何

疑騎鯨公子賦成時得從上界真官府百計招魂不肯

歸

又和天久雨

滴滴寒聲攪夜眠行雲似與楚山連百川到底終歸海

一水元來不護田下

注

注

又
無
喪
亂
來
少
睡
眠
□
□
□
楊
又
留
連
那
堪
又
下
瀟
瀟
雨

可
柰
無
秋
薄
薄
田
□
□
□
□
殘
年
眼
前
戈
戟
尚
森
然

得
他
真
箇
風
雲
手
不
信
人
閒
有
漏
天

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神
一
箇
魄
一
箇
魂
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神

天
地
間
一
箇
人
一
箇
心
一
箇
眼
一
箇
口
一
箇
耳
一
箇
鼻
一
箇
舌
一
箇
手
一
箇
脚
一
箇
頭
一
箇
腦
一
箇
魂
一
箇
魄
一
箇
精
一
箇
氣
一
箇
神